

Tingkat potensi murid Orang Asli

91 calon dari tiga sekolah dipilih menyertai Program Empower Cakna Cemerlang UPSR 2017

BERA - Seramai 91 murid Orang Asli yang merupakan calon UPSR dari tiga sekolah di daerah ini, dipilih menyertai Program Empower Cakna Cemerlang UPSR 2017.

Mereka merupakan pelajar Sekolah Kebangsaan (SK) Bukit Rok, SK Gemuruh dan SK Iskandar yang dipilih berdasarkan kriteria ditetapkan Pejabat Pendidikan Daerah.

Program anjuran Majlis Pembangunan Wilayah Ekonomi Pantai Timur (ECERDC) dengan kerjasama Universiti Malaysia Pahang (UMP) Advanced itu adalah platform untuk murid meningkatkan kemahiran membaca dan menulis dalam literasi dan numerasi, serta meningkatkan semangat menimba ilmu.

Pengurus Besar, Jabatan Ekonomi dan Projek Khas, Zainal Bahari berkata, program itu menyasarkan



Muzair Karmain (dua, kiri) menyampaikan cenderahati kepada Norol Azali yang merasmikan Program Empower Cakna Cemerlang UPSR 2017, semalam.

mereka berprestasi akademik lemah dan sederhana terdiri daripada keluarga berpendapatan rendah yang akan menduduki peperiksaan awam utama di negara ini.

"Kita pilih dalam kalangan murid miskin terutama yang tinggal di kawasan luar bandar supaya kita

dapat kenal pasti masalah utama mereka selain meningkatkan usaha dan minat mereka untuk terus timba ilmu.

"Sejak program ini diperkenalkan di daerah ini tiga tahun lalu, kita dapat lihat perkembangan dan impak positif dalam kalangan murid selain tingkatan

kesedaran ibu bapa mengenai peranan mereka dalam pendidikan anak-anak," katanya.

Beliau berkata demikian pada majlis perasmian program itu yang diempunkan oleh Adun Gua, Datuk Norol Azali Sulaiman di SK Bukit Rok, semalam.

Hadir sama, Pegawai



Aktiviti besfart pembelajaran yang menyeronokkan atau fun learning dijalankan bagi membantu menarik minat murid.

Pendidikan Daerah, Baharin Samat dan Pengurus Ecer Pahang, Muzair Karmain Mahmood Kamisan.

Zainal berkata, program itu merapatkan jurang perbezaan ekonomi yang wujud antara masyarakat luar bandar dan bandar, melalui peningkatan prestasi akademik dan kemahiran vokasional

peserta.

"Hanya melalui peningkatan pendidikan dan kemahiran mereka mampu perbaiki taraf hidup dan menikmati peluang tersedia hasil kemajuan pesat di negeri ini. Jadi, saya harap, peserta tidak sia-sialan peluang ini untuk bina masa depan lebih cemerlang," katanya.



Zainal (kiri) menyampaikan set bantuan pembelajaran kepada Guru Besar SK Gemuruh, Mohd Shah Mohd Ali dan dua sekolah lain yang terlibat.



Aktiviti yang dilaksanakan pelajar secara berkumpulan dibantu oleh fasilitator dari UMP.



Wakil Ecer, UMP Advanced serta fasilitator bersama murid Orang Asli bergambar kenangan dengan Norol Azali, Muzair Karmain dan Zainal sempena majlis perasmian program itu.



Murid-murid memberikan respons positif pada setiap aktiviti yang dilaksanakan sepanjang program itu.